

UNIVERZITET U BIHAĆU

telefon/faks: 387 (0) 37 222-022
adresa: Kulina bana 2/2, 77000 Bihać
email: rektorat@unbi.ba



UNIVERSITY OF BIHAĆ

phone/fax: 387 (0) 37 222-022
address: Kulina bana 2/2, 77000 Bihać
email: rektorat@unbi.ba

Upravni odbor

Broj:01-801/2009

Datum:28.04.2009. godine

Izvod iz Zapisnika sa VI (šeste) sjednice Upravnog odbora Univerziteta u Bihaću održane dana 27.04.2009. godine

Prisutni:

1. Doc.dr. Ekrem Pehlić, predsjednik
2. Prof.dr. Osman Ramić, član
3. Prof.dr. Vildana Alibabić, član
4. Halid Velagić, dipl.pravnik, član
5. mr. Husein Murtić, član
6. Prof.dr. Nijaz Skender, član
7. Suad Mahmutović, prof., član
8. Doc.dr. Fadil Islamović, član
9. Prim.dr. Suad Gačo, član
10. Prof.dr. Zemira Delalić, prorektor za nastavu
11. Mehmed Duraković, dipl.pravnik
12. Besima Midžić, dipl.ecc., Stručni savjetnik za ekonomsko-financijske poslove i investicije
13. Izudin Saračević, dipl.politolog
14. Predstavnici medija

Nisu prisutni:

1. Prof.dr. Isak Karabegović, Rektor
2. Asija Cucak, dipl.pravnik, Generalni sekretar

Dnevni red:

1. Usvajanje Izvoda iz Zapisnika sa V (pete) sjednice Upravnog odbora Univerziteta u Bihaću održane 13. 03. 2009. godine
2. Razmatranje i donošenje Odluke o Izvještaju o radu Univerziteta u Bihaću za 2008. godinu
3. Razmatranje i donošenje Odluke o Finansijskom izvještaju Univerziteta u Bihaću za 2008. godinu
4. Razmatranje i donošenje Odluke o Finansijskom izvještaju Unije studenata Univerziteta u Bihaću za 2008. godinu
5. Zahtjev doc. dr Ifeta Šišića
6. Tekuća pitanja

Predsjednik Upravnog odbora je otvorio sjednicu, pozdravio prisutne te konstatirao da sjednici ne prisustvuje rektor Univerziteta u Bihaću, prof.dr. Isak Karabegović koji je ovom Upravnom odboru uputio dopis u kom se kaže: „**S obzirom da sam na dužnost rektora izabran 11.12.2008. godine. Smatram da Upravni odbor Univerziteta u Bihaću može razmotriti Izvještaj o radu za 2008. godinu ali ga ja ne mogu potpisati jer nisam bio odgovoran za taj period.**“

Dnevni red utvrđen u pozivu je dat na razmatranje.

U diskusiji o Dnevnom redu su učestvovali: prof.dr. Nijaz Skender, mr. Husein Murtić i prim.dr. Suad Gačo, a zajedničko iz njihove diskusije je traženje da se sa Dnevnog reda skine tačka 2 i tačka 3, jer Izvještaje nije potpisao rektor Univerziteta.

Prof.dr. Osman Ramić je predlagao da se Izvještaji razmatraju, ali da se odluke o njihovom prihvatanju donesu nakon što se isti potpišu od ovlaštene osobe.

Besima Midžić, dipl.ecc., Stručni savjetnik za ekonomsko-financijske poslove i investicije Sekretarijata Univerziteta je istakla problem Trezora zbog osporavanja potpisa rektora, te predložila da se Upravni odbor Univerziteta o tome očituje pod „Tekuća pitanja“ jer su obustavljene plaće zaposlenicima Rektorata.

Predsjednik Upravnog odbora je istakao da za ovu sjednicu ne bi predvidio 2. i 3. tačku Dnevnog reda, da je bio upoznat da rektor ne želi potpisati Izvještaje o radu Univerziteta u Bihaću.

Dat je prijedlog na glasanje:

Za skidanje sa Dnevnog reda tačke 2 i tačke 3 je glasalo sedam članova Upravnog odbora, jedan član je bio za razmatranje ovih tačaka s tim da se ne donesu odluke i jedan član je bio suzdržan.

Dnevni red je usvojen bez razmatranja 2. i 3. tačke, a pod tekućim pitanjima će se razmotriti:

- Tumačenje Odluke o obustavljanju izdavačke djelatnosti na Univerzitetu
- Status prethodnih prorektora
- Tretiranje rektorovog potpisa u trezoru

Tok sjednice:

Ad. 1.

Na Izvod iz Zapisnika sa V (pete) sjednice Upravnog odbora Univerziteta u Bihaću održane 13.03.2009. godine su date primjedbe:

- U evidenciji prisutnih je izostavljena prof. dr. Zemira Delalić, prorektor za nastavu iako se u tekstu Izvoda iz Zapisnika vidi prisustvo imenovane.
- Za tačku 1 i 2 nije naznačen rezultat glasanja
- Nedostaje pojašnjenje da li su Pravilnici usvojeni u NACRTU upućeni visokoškolskim ustanovama Univerziteta u Bihaću.

Izvod iz Zapisnika je usvojen sa datim primjedbama.

Ad 4.

Financijski izvještaj Unije studenata Univerziteta u Bihaću je obrazložio predsjednik Selvedin Bajrić.

Istakao je da su sredstva dobivena od Univerzitet u Bihaću – Rektorata potrošena namjenski a prema priloženim računima u ukupnom iznosu od 5.000,00 (pethiljada) KM. Predsjednik Unije studenata je iznio problem nedovoljnog finansiranja u ovoj godini. Ne mogu platiti troškove interneta i druge najvažnije troškove.

Prof.dr. Vildana Alibabić je u svojoj diskusiji istakla važnost studentskog udruženja, ponekad i kao pozitivnog pritiska na poboljšanje općeg stanja kako studentskog tako i u društvenim tokovima. Posebno je naglasila da rukovodstvo Unije studenata može biti dodatno aktivno za pripremanje i

realizaciju projekata koji bi donijeli i određenu finansijsku korist. Bez politiziranja nudi svoju direktnu pomoć u osposobljavanju Unije za pripremanje i izradu projekata.

Suad Mahmutović, prof., je pohvalio rad Unije studenata i kao znak velikog razumijevanja financiranja Unije studenata predložio odricanje od jedne mjesečne naknade za rad Upravnog odbora kao pomoć u razrješavanju osnovnih finansijskih problema.

Prof.dr. Nijaz Skender je sugerirao da Vlada Unsko-sanskog kantona može pomoći studentima a za prijedlog da se novčano pomogne Uniji studenata odricanjem naknade za rad Upravnog odbora nije, ali bi se odrekao u korist određenog studenta ako ima potrebe.

Unija studenata mora imati određene projekte.

Mr. Husein Murtić je istekao da Unija studenata mora nastupati energično i samouvjereno, a to će potencijalni donatori razumjeti.

Predsjednik Upravnog odbora, doc.dr. Ekrem Pehlić, je istakao da Vlada USK-a ima mogućnost pomoći Uniji studenata Univerziteta u Bihaću, jer znatno pomaže studente sa ovih područja na Univerzitetu u Sarajevu. Rukovodstvo Unije na tome treba raditi.

Prijedlog da se Uniji studenata Univerziteta u Bihaću pomogne odricanjem jedne mjesečne naknade za rad Upravnog odbora nije prošao jer je pet članova Upravnog odbora bilo suzdržano.

Na kraju, Finansijski izvještaj Unije studenata Univerziteta u Bihaću u 2008. godini jednoglasno je usvojen kao informacija.

Ad 5.

Razmatranje zahtjeva doc.dr. Ifeta Šišića da mu se iznađe mogućnost stambenog porodičnog smještaja jer je od aprila 2006 godine zaposlen na Biotehničkom fakultetu, putuje iz Bužima i fakultet mu plaća troškove prijevoza koji na godišnjem nivou prelaze 2.000,00 (dvijehiljade) KM, je otvorilo dugovremena neriješeno pitanje statusa stanova namijenjenih za rješavanje stambenih potreba zaposlenih na Univerzitetu.

Tačno krajem 1998. godine radi rješavanja pitanja stana zaposlenika na Univerzitetu u Bihaću, vlada USK-a je formirala Stambeni fond, upravljanje Fondom prenijela je na resorno ministarstvo obrazovanja i u tu svrhu izgradila 16 stanova na Ozimicama II B11 D3 (Ul. Hamdije Pozderca). Četiri stana od ukupno 20 (dvadeset) stanova se nalazi na drugim lokacijama u gradu Bihaću.

Kako je stanove Vlada USK-a gradila na tuđem zemljištu (Radi se o započetoj gradnji iz 1990 godine) i nikad nije riješila imovinsko-pravne odnose sa stambenim fondom Općine Bihać (kao pravnim nasljednikom Investitora) ovi stanovi se nisu uknjižili na Vladu USK-a

Stanovi su 1998. godine podijeljeni tadašnjim nastavnicima i saradnicima uz pismene Ugovore između korisnika i Kantonalnog ministarstva obrazovanja, nauke, kulture i sporta.

Zbog toga što Vlada USK-a nije bila uknjižena kao vlasnik ovih stanova, isti se nisu mogli uknjižiti na korisnike.

Postoje tri kategorije korisnika ovih stanova:

Prva kategorija je ispoštovala potpisane Ugovore i uplatila ugovoreni iznos na posebni račun pri Kantonalnom ministarstvu obrazovanja, nauke, kulture i sporta (četiri korisnika).

Druga kategorija poštuje potpisani Ugovor i mjesečno plaća ratu za kupovinu tog stana na period od 15 godina.

(Samo kantonalno ministarstvo obrazovanja, nauke, kulture i sporta ima podatke o urednim platišama.)

Prva i druga kategorija stalno koriste ove stanove i smatraju ih svojim.

Treća kategorija koja **niti plaća mjesečnu otplatu rate za kupovinu i korištenje stana niti koristi stan.**

Ove tvrdnje su iznijeli prof.dr. Vildana Alibabić i Mehmed Duraković dipl.pravnik, (koji je u tom periodu obavljao funkciju Generalnog sekretara) koji također stanuju, koriste stan i smatraju ga svojim.

Kako je pitanje ovih stanova kompleksno to Upravni odbor nije mogao ulaziti u sporni slučaj osim da se preporuči podnosiocu zahtjeva da pokuša u Vladi USK-a izdejtstvovati pokretanje rješavanja statusa ovih stanova, a time i moguće rješenje za sebe i porodicu.

Upravni odbor Univerziteta u Bihaću je jednoglasno donio **Zaključak da se Vladi USK-a uputi dopis kojim se traži rješavanje stambenih pitanja zaposlenika Univerziteta u Bihaću.**

Ad 6.

- Odlukom Upravnog odbora broj: 01-2226/08 od 26.12.2008. godine privremeno je zaustavljena izdavačka djelatnost na Univerzitetu u Bihaću.

Od izdavačke djelatnosti treba razlikovati do sada ustaljenu praksu davanja saglasnosti na status Univerzitetske knjige – udžbenika. To je samo dozvola ovlaštenom izdavaču da na omotu knjige stoji naznaka „Univerzitetska knjiga – udžbenik.“

Takvu suglasnost je do sada davao stručni organ visokoškolske ustanove i Univerziteta.

Ako je na Univerzitetu (kao cjelini) obustavljena izdavačka djelatnost to ne znači da Univerzitetski udžbenik ne može izdati drugi ovlašteni izdavač.

Ovo je tumačenje citirane Odluke koja ne zabranjuje donošenje Odluke o statusu univerzitetskog udžbenika

-Prema Zakonu o Univerzitetu u Bihaću (Sl.glasnik USK-a 8/98) rektora i prorektora imenuje i razrješava Upravni odbor Univerziteta u Bihaću iz reda redovnih i vanrednih profesora na način utvrđen Pravilima Univerziteta.

Pravilima Univerziteta u Bihaću (član 7 Izmjene i dopune Pravila Univerziteta na koja je dana suglasnost resornog ministarstva broj: 10/1-38-3612-UP/04 od 12.07.2004. godine).

Rektoru Univerziteta u izvršavanju zadataka Utvrđenih Zakonom i ovim Pravilima pomažu tri prorektora:

- Prorektor za nastavu
- Prorektor za naučno-istraživački rad i međunarodnu saradnju
- Prorektor za finansije i razvoj Univerziteta

Prorektore Univerziteta bira Upravni odbor iz reda nastavnika a na prijedlog rektora. Izborom novog rektora na mandatni period biraju se i novi prorektori.

-Validnost potpisa rektora, prof.dr. Isaka Karabegovića, se u službi Trezora pri Kantonalnom ministarstvu obrazovanja, nauke, kulture i sporta osporava. To finansijskoj službi Sekretarijata Univerziteta onemogućava rad. Plaće zaposlenicima su obustavljene. Ovakav odnos je prisutan kod zaposlenih u Trezoru Kantonalnog ministarstva obrazovanja, nauke, kulture i sporta.

Od Kantonalnog ministarstva obrazovanja, nauke, kulture i sporta Univerzitetu nije pismeno upućeno obrazloženje ovakvog ponašanja Trezora.

Zbog gore iznesenog donesen je sljedeći:

ZAKLJUČAK

Sa Kantonalnim ministarstvom obrazovanja, nauke, kulture i sporta i Trezora s jedne strane, te sa predsjednikom Upravnog odbora, predstavnikom Sindikata i Stručnim savjetnikom za ekonomsko-financijske poslove i investicije, s druge strane u direktnom razgovoru razriješiti pitanje potpisnika Univerziteta u Bihaću – Rektorata.

Zapisnik sačinio:
Mehmed Duraković, dipl.pravnik

Predsjednik Upravnog odbora:
Doc. dr. Ekrem Pehlić